



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-466/23

Sarajevo, 30.11.2023.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnice Arijane Memić-dostavlja se:

VEZA: Vaš akt broj:01-04-46892-2/23 od 15.11.2023. godine:

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16). dostavljamo odgovor na zastupničko pitanje zastupnice Arijane Memić, pripremljen od strane Uprave policije Ministarstva unutrašnjih poslova Kantona Sarajevo.

S poštovanjem,

Prilog:

-Akt MUP, Uprava policije broj:02/1-2-310/23 od 30.11.2023. godine,
-CD x1.



Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.



Broj: 02/1-2- 310/23
Datum: 30.11.2023. godine

MINISTARSTVO UNUTRAŠNJIH POSLOVA KANTONA SARAJEVO
Sekretaru

PREDMET: Zastupničko pitanje, odgovor, d o s t a v l j a s e.

VEZA: Akt Skupštine Kantona Sarajevo broj: 01-04-46892-2/23 od 15.11.2023. godine.

U vezi akta, broj i datum veze, ispred Uprave policije Ministarstva unutrašnjih poslova Kantona Sarajevo, povodom postavljenog pitanja Arijane Memić, Zastupnice u Skupštini Kantona Sarajevo na Jedanaestoj radnoj sjednici održanoj dana 15.11.2023. godine, u okviru tačke Dnevnog reda "Poslanička/zastupnička pitanja, inicijative i odgovori", u prilogu akta dostavljamo odgovor u formi sačinjene informacije.

S poštovanjem,



POLICIJSKI KOMESAR
Generalni inspektor policije

Fatm [REDACTED]

PRILOG: - Kao u tekstu.

INFORMACIJA

Sačinjena povodom odgovora na akt Skupštine Kantona Sarajevo broj: 01-04-46892-2/23 od 15.11.2023. godine, na postavljeno pitanje Arijane Memić, Zastupnice u Skupštini Kantona Sarajevo na Jedanaestoj radnoj sjednici održanoj dana 15.11.2023. godine u okviru tačke Dnevnog reda "Poslanička/zastupnička pitanja, inicijative i odgovori".

Na Jedanaestoj radnoj sjednici Skupštine Kantona Sarajevo održane dana 15.11.2023. godine, u okviru tačke Dnevnog reda "Poslanička/zastupnička pitanja, inicijative i odgovori", Zastupnica u Skupštini Kantona Sarajevo Arijana Memić, postavila je zastupničko pitanje:

„Koje je aktivnosti MUP KS proveo u protekle tri godine, po pitanju edukacije uposlenika, a kada je riječ o nasilju u porodici, kao i po pitanju zaštite žrtava nasilja u porodici ? Molim Vas da detaljno opišete radnje koje ste poduzeli. Koje aktivnosti su planirane u narednom periodu kada je riječ o pomenutoj problematici ?“

ODGOVOR:

Nasilje u porodici i nasilje nad ženama predstavlja ozbiljno kršenje temeljnih ljudskih prava, zbog čega je brz i koordiniran odgovor policijskih službenika Uprave policije Ministarstva unutrašnjih poslova Kantona Sarajevo jedan od načina sprečavanja širenja ovog specifičnog oblika kriminaliteta koji uzrokuje dugoročne, individualne, društvene i sigurnosne posljedice.

U odgovoru na nasilje u porodici i nasilje nad ženama neophodno je razumjeti prirodu nasilja, uzroke i posljedice, motive, načine i vrste nasilja u porodici i nad ženama, a onda i odabrati ispravan metod suočavanja sa žrtvom, počiniocem i društvom u suzbijanju kriminaliteta.

Kontinuirana obuka policijskih službenika ima za cilj da osigura, da:

1. policijski službenici znaju kako da primjene najviše standarde u svom radu na slučajevima nasilja nad ženama i nasilja u porodici,
2. policijski službenici pružaju djelotvornu i blagovremenu zaštitu žrtvama nasilja,
3. policijski službenici sprečavaju ponovnu traumatizaciju žrtava nasilja u sistemu krivičnog pravosuđa, te
4. policijski službenici razumiju značaj stručnog i profesionalnog provođenje istraga u slučajevima krivičnih djela nasilja nad ženama i nasilja u porodici, kao i saradnje s tužilaštvom u prikupljanju dokaza za sudsko odlučivanje u predmetima nasilja, te podnošenja zahtjeva za izricanje zaštitnih mjera protiv nasilne osobe, kao i nadzor nad provođenjem istih.

Uprava policije Ministarstva unutrašnjih poslova Kantona Sarajevo, preduzimajući aktivnosti na praćenju obaveza i naloženih aktivnosti propisanih odredbi:

- Krivičnog zakona F BiH ("Sl. novine Federacije BiH", br. 36/03, 21/04, 69/04, 18/05, 42/10, 42/11, 59/14, 76/14, 46/16 i 75/17)
- Zakona o zaštiti od nasilja u porodici („Sl. novine Federacije BiH“ br. 20/13 i 75/21),
- Pravilnika o načinu provođenja zaštitnih mjera za počinioce nasilja u porodici koje su u nadležnosti policije („Sl. novine Federacije BiH“ broj 20/13),

- Konvencije Vijeća Evrope o sprječavanju i borbi protiv nasilja nad ženama i nasilja u porodici - Istanbulska konvencija,
- Strategije za prevenciju i borbu protiv nasilja u porodici 2021-2027. Vlade Federacije Bosne i Hercegovine,
- Protokola o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo, broj: 02-144/18 od 01.06.2018. godine,
- Gender akcionim planom Kantona Sarajevo za period 2019.-2022. godine ("Sl. novine Kantona Sarajevo", broj 19/14),

u svoje godišnje Planove i programe stručnog usavršavanja policijskih službenika za 2020., 2021., 2022. i 2023. godinu, kroz program internog stručnog usavršavanja uvrstila je modul specijalističkog usavršavanja za ciljne grupe policijskih službenika temu "Krivična djela počinjena iz mržnje, borba protiv nasilja u porodici, kao i rodno zasnovanog nasilja".

Policijski komesar Uprave policije Ministarstva unutrašnjih poslova Kantona Sarajevo na početku svake godine, donosi Plan i program stručnog usavršavanja policijskih službenika za tekuću godinu, kroz koji se planiraju aktivnosti iz navedene teme kroz program internog i eksternog stručnog usavršavanja. Istim se planira da nadležna organizaciona jedinica Odjeljenje za edukaciju Ureda policijskog komesara kroz donošenje Posebnih planova i programa iz ove oblasti, organizuje i realizuje specijalističke obuke koje ćemo vam prikazati za period 2020., 2021., 2022. i 2023. godine, kroz pregled modula specijalističkih obuka i ukupnom broju policijskih službenika koji su prošli ovakav oblik stručnog usavršavanja.

Tokom 2020. godine policijski službenici Uprave policije su uzeli učešće i to:

1. U periodu od 02.04. do 22.07.2020. godine realizovana je saradnja sa NVO Centar ženskih prava na programu edukacije za pripadnike Uprave policije Ministarstva unutrašnjih poslova Kantona Sarajevo, tokom koje je kroz aktivnosti programa učenja na daljinu radi sticanja znanja uz korištenje savremenih informaciono - komunikacijskih tehnologija na temu "Nasilje u porodici i rodno zasnovano nasilje", uzelo učešće 60 policijskih službenika. Rezultat ove edukacije jeste i snimanje posebnog video klipa kojim su se predstavili najbolji policijski službenici, koji su kroz svoje intervju poslali poruke podrške svim žrtvama nasilja u porodici,
2. Dana 16.09.2023. godine održan je Radni sastanak u organizaciji Federalnog ministarstva unutrašnjih poslova na kojem su učešće uzeli predstavnici policijskih agencija iz Federacije Bosne i Hercegovine. Cilj sastanka je bio: unapređenje kapaciteta pružaoca usluga za pružanje usluga osobama koje su preživjele nasilje usmjereno prema ženama i djevojčicama u skladu s odredbama Istanbulske konvencije, utvrđivanje mogućnosti unaprijeđenja interne strukture kantonalnih ministarstava unutrašnjih poslova u Federaciji BiH kod postupanja u slučajevima nasilja u porodici, definisanje mogućnosti strukturiranog pristupa obrazovanja policijskih službenika na temu nasilje u porodici, definisanje sadržaja obuka i obrazovnih rezultata za policijske službenike koji rade na predmetima nasilja u porodici. Učešće je uzelo 4 policijska službenika,
3. U periodu od 09.12. do 11. 12.2020. godine u saradnji sa Federalnim ministarstvom unutrašnjih poslova realizovana je Prva radionica na temu "Postupanje policijskih službenika po prijavama nasilja u porodici i provođenje zaštitnih mjera", u kojoj su učešće uzela 3 policijska službenika,

4. U periodu od 14.12. do 16.12.2020. godine u saradnji sa Federalnim ministarstvom unutrašnjih poslova realizovana je Druga radionica na temu "Postupanje policijskih službenika u otkrivanju i gonjenju počinitelaca krivičnih djela nasilja u porodici", u kojoj su učešće uzela 3 policijska službenika,

5. Dana 22.12.2020. godine u saradnji sa NVO „Fondacija lokalne demokratije“ realizovan je Okrugli sto u okviru djelovanja Koordinacionog tijela za prevenciju, zaštitu i borbu protiv nasilja u porodici u Kantonu Sarajevo, na kojem je učešće uzelo 4 policijska službenika.

Tokom 2021. godine policijski službenici Uprave policije su uzeli učešće i to:

1. Dana 20.01.2021. godine u saradnji sa NVO „Fondacija lokalne demokratije“ realizovana je edukacija policijskih službenika koji rade sa žrtvama nasilja u porodici radi poboljšanja kvaliteta usluga i podizanja nivoa zaštite nasilja u porodici na području Kantona Sarajevo, u kojoj je učešće uzelo 20 policijskih službenika,

2. Dana 26.01.2021. godine u saradnji sa Koordinacionim tijelom za prevenciju, zaštitu i borbu protiv nasilja u porodici u Kantonu Sarajevo", realizovan je Okrugli sto na temu "Multisektorska saradnja u Kantonu Sarajevo - iskustva i izazovi epidemije", na kojem su učešće uzela 3 policijska službenika,

3. Dana 23.02.2021. godine u saradnji sa Fondacijom Friedrich Ebbert u BiH realizovana je Diskusija pod nazivom "Nasilje u porodici u Bosni i Hercegovini u doba pandemije korona virusa" kao i prezentacija publikacije "Nasilje u porodici u doba pandemije na koju se pozivaju do dva predstavnika koji su direktno uključeni u rad u oblasti nasilja u porodici, tokom koje su učešće uzela 2 policijska službenika,

4. Dana 04.03. i 05.03.2021. godine u saradnji sa Udruženjem Mreža policijskih službenica realizovana je Radionica - Podizanje svijesti o rodno zasnovanom nasilju i seksualnom uznemiravanju na radnom mjestu, na kojoj su učešće uzela 2 policijska službenika,

5. Dana 16.03.2021. godine u saradnji sa Atlantskom inicijativom u BiH u sklopu projekta "Jačanje odgovora na nasilje u porodici tijekom i neposredno nakon COVID-19 krize u Bosni i Hercegovini", realizovana je multisektorska radionica tokom koje su se okupili stručnjaci i stručnjakinje iz različitih institucija, odnosno predstavnici policije, pravosuđa, centara za socijalni rad, sigurnih kuća, koji rade na predmetima nasilja u porodici. Cilj radionice je bio razmjena iskustava, te identificiranje mogućih načina prevazilaženja izazova u postupanju u predmetima nasilja u porodici tokom COVID-19 krize. Učešće su uzela 3 policijska službenika,

6. Dana 27.07. i 29.07.2021. godine realizovana je interna specijalistička obuka na temu "Postupanje u slučaju seksualnog i spolno zasnovanog uznemiravanja, kao oblika nasilja u organizacionim jedinicama Uprave policije Ministarstva unutrašnjih poslova Kantona Sarajevo", na osnovu Protokola o postupanju u slučaju seksualnog i spolno zasnovanog uznemiravanja, kao oblika nasilja u organima uprave, javnim preduzećima, javnim ustanovama i pravnim licima čiji je osnivač Kanton Sarajevo („Službene novine Kantona Sarajevo", broj 18/21) i posebnog Plana i programa interne specijalističke obuke, broj: 02/1-2-159/21 od 16.07.2021. godine, u kojoj je učešće uzelo 117 policijskih službenika,

7. Dana 23.09. i 24.09.2021. godine realizovana je interna specijalistička obuka na temu "Postupanje u slučaju seksualnog i spolno zasnovanog uznemiravanja, kao oblika nasilja u organizacionim jedinicama Uprave policije Ministarstva unutrašnjih poslova Kantona Sarajevo", na osnovu Protokola o postupanju u slučaju seksualnog i spolno zasnovanog uznemiravanja, kao oblika nasilja u organima uprave, javnim preduzećima, javnim ustanovama i pravnim licima čiji je osnivač Kanton Sarajevo („Službene novine Kantona Sarajevo”, broj 18/21) i posebnog Plana ai programa interne specijalističke obuke, broj 02/1-2-159/21 od 16.07.2021. godine, u kojoj je učešće uzelo 47 policijskih službenika,

8. Dana 05.11.2021. godine u saradnji sa NVO „Fondacija lokalne demokratije“ realizovana je Konferencija pod nazivom „Razmjena iskustava o programima za prevenciju i zaštitu protiv rodno zasnovanog nasilja Barcelone i Sarajeva“, a kojeg finansira Gradsko vijeće Barcelone, te u sklopu saradnje i bratimljenja koje je uspostavljeno i održava se sa Gradom i Kantom Sarajevo, na kojoj su učešće uzela 2 policijska službenika.

Tokom 2022. godine policijski službenici Uprave policije su uzeli učešće i to:

1. Dana 09.05.2022. godine u saradnji sa Federalnim ministarstvom unutrašnjih poslova realizovan je sastanak o dogovoru za nastavak projekta F MUP-a u saradnji sa UN Women (Agencija UN-a za rodnu ravnopravnost i osnaživanje žena) podrške kantonalnim MUP-ovima u pružanju standardiziranog odgovora na slučajeve nasilja u porodici i nasilja nad ženama u F BiH, na kojem su učešće uzela 2 policijska službenika,

2. Dana 21.10.2022. godine realizovan je posebni Plan i program internog stručnog usavršavanja na temu "Postupanje u slučaju seksualnog i spolno zasnovanog uznemiravanja, kao oblika nasilja u organizacionim jedinicama Uprave policije Ministarstva unutrašnjih poslova Kantona Sarajevo", broj: 02/1-2-149/22 od 20.04.2022. godine, na osnovu Protokola o postupanju u slučaju seksualnog i spolno zasnovanog uznemiravanja, kao oblika nasilja u organima uprave, javnim preduzećima, javnim ustanovama i pravnim licima čiji je osnivač Kanton Sarajevo, Vlade Kantona Sarajevo („Službene novine Kantona Sarajevo”, broj 18/21), tokom kojeg je učešće uzelo 28 policijskih službenika,

3. Dana 23.11. i 24.11.2022. godine u organizaciji Regionalnog centra za kontrolu malog oružja i lakog naoružanja u Jugoistočnoj Evropi (SEESAC) učešće na prvom sastanku Regionalne radne grupe kao član delegacije Bosne i Hercegovine i država Zapadnog Balkana za prevenciju upotrebe vatrenog oružja i nasilja u porodici kroz procjenu rizika, učešće je uzeo 1 policijski službenik,

4. U periodu od 07.12. do 09.12.2022. godine u saradnji sa Federalnim ministarstvom unutrašnjih poslova realizovana je Obuka na temu "Postupanje policijskih službenika po prijavama nasilja u porodici, provođenje zaštitnih mjera i gonjenje počinitelaca krivičnih djela nasilja u porodici" za ciljne grupe policijskih službenika Uprave policije, tokom koje je učešće uzelo 16 policijskih službenika.

Tokom 2023. godine (od 01.01. do 30.11.2023. godine) policijski službenici Uprave policije su uzeli učešće i to:

1. Dana 27.03.2023.- godine u saradnji sa JU "Centar za edukaciju sudija i tužilaca" Federacije Bosne i Hercegovine, realizovan je seminar na temu "Rodno zasnovano nasilje i nasilje u porodici", u kojem su učešće uzela 3 policijska službenika,

2. Dana 28.03. i 29.03.2023. godine realizovan je poseban Plan i program internog stručnog usavršavanja na temu "Krivična djela počinjena iz mržnje, borba protiv nasilja u porodici i rodno zasnovanog nasilja", broj: 02/1-2-15-23 od 25.01.2023. godine u saradnji sa Kantonalnim tužilaštvom Kantona Sarajevo, Službom socijalne zaštite općine Novi Grad JU „Kantonalni centar za socijalni rad”, te internim predavačima iz Uprave policije, u kojem je učešće uzelo 44 policijska službenika. Nakon provedene obuke od strane policijskog komesara Uprave policije, dostavljen je instruktivna depeša svim organizacionim jedinicama Uprave policije, o standardiziranom i jednoobraznom postupanju u svim slučajevima nasilja u porodici na području Kantona Sarajevo,
3. U periodu od 24.04. do 28.04.2023. godine u saradnji sa Misijom OSCE-a u Bosni i Hercegovini održana je specijalistička obuka na temu "Rodno – odgovornog rada policije u slučajevima nasilja prema ženama i djevojčicama", koja se organizuje u sklopu implementacije projekta "Jačanje kapaciteta sistema krivičnog pravosuđa za borbu protiv rodno-zasnovanog nasilja u Jugoistočnoj Evropi (2021-2024)" od strane Odjela za transnacionalne prijetnje/Jedinica za strateška pitanja policije Misije OSCE-a u Bosni i Hercegovini, u kojoj je učešće uzeo 1 policijski službenik,
4. Dana 12.05.2023. godine u saradnji sa Atlantskom inicijativom u Bosni i Hercegovini realizovana je radionica na temu "Rodno zasnovano nasilje nad romkinjama u BiH", u kojoj je učešće uzelo 7 policijskih službenika,
5. U periodu od 23.05. do 25.05.2023. godine u saradnji sa Regionalnim centrom za kontrolu malog oružja i lakog naoružanja u Jugoistočnoj Evropi (SEESAC), realizovan je „Drugi sastanak regionalne radne grupe za razvoj alatke za prevenciju zloupotrebe vatrenog oružja u nasilju u porodici (SALW)", za države Zapadnog Balkana, kroz koji se planirao nastavak rada na razvoju alatke za prevenciju zloupotrebe vatrenog oružja u nasilju u porodici, kao i druge aspekte vezane za vatreno oružje, u kojem je učešće uzeo 1 policijski službenik,
6. Dana 14.06.2023. godine u saradnji sa Centrom za edukaciju sudija i tužioca F BiH realizovan je seminar na temu "Femicid", u kojem je učešće uzeo 1 policijski službenik,
7. Dana 02.10.2023. godine u saradnji sa NVO „Centar za edukaciju i istraživanje Nahla", realizovana je Panel diskusija na temu "Sprečavanje nasilja u porodici i postupanja prilikom prijave nasilja u porodici", na kojoj je učešće uzeo 1 policijski službenik,
8. Dana 15.11. i 15.11.2023. godine u saradnji sa Federalnim ministarstvom rada i socijalne politike realizovana je dvodnevna validacijska radionica na temu „Programa obuke za stručne radnike u socijalnoj zaštiti na temu nasilja u obitelji i rodno zasnovanog nasilja", u kojoj je učešće uzeo 1 policijski službenik,
9. Tokom mjeseca novembra u saradnji sa Udruženem za razvoj i dignitet realizovano je nekoliko predavanja na temu "Unapređenje pravne i društvene matrice za sprečavanje femicida i rodno zasnovanog nasilja u BiH", u kojem je učešće uzeo 1 policijski službenik,
10. Dana 29.11. i 30.11.2023. godine u saradnji sa Regionalnim centrom za kontrolu malog oružja i lakog naoružanja u Jugoistočnoj Evropi (SEESAC) realizovan je sastanak predstavnika policijskih agencija u BiH za prevenciju upotrebe vatrenog oružja i nasilja u porodici kroz procjenu rizika i razvoj alatke za rodno osjetljivo izdavanje dozvola za vatreno oružje (SALW), u kojem su učešće uzela 2 policijska službenika.

Ukupan broj policijskih službenika koji je u navedenom periodu prošao različite module specijalističkih obuka na navedenu temu u sklopu internog ili eksternog programa stručnog usavršavanja je **361** policijskih službenika.

Uprava policije Ministarstva unutrašnjih poslova Kantona Sarajevo će i u narednom periodu dati poseban značaj i važnost planiranju, organizaciji i realizaciji internog i eksternog programa stručnih usavršavanja policijskih službenika iz ove oblasti.

Sarajevo, dana 30.11.2023. godine